

20-05-2025

- प्रधानमंत्री नरेंद्र मोदी होरें वैश्विक सेहत आस्तै समावेश ते सहयोग पर जोर पाया।
- विदेश सचिव विक्रम मिसरी होरें ऑप्रेशन सिंदूर पर भारत दी रणनीति बारै अवगत कराने दे मकसद कन्नै कई मुलखें च भेजे जा'रदे सांसदें दे सर्वदलीय प्रतिनिधिमंडलें गी जरूरी जानकारी दिती।
- खजाना मंत्री निर्मला सीतारमण होरें नियमें ते आजादी बश्कार सेही तालमेल रखने पर जोर पाया जेड़ा गै प्रतियोगिता दा स्तर उच्चा करदा ऐ।
- विदेश मंत्री डॉ. एस जयशंकर होरें डच दे प्रधानमंत्री हुंदे कन्नै मलाटी कीती, प्रधानमंत्री मोदी हुंदी तरफा शुभमामनां दितियां।
- सीमा सुरक्षा बल नै घोषणा कीती ऐ जे पंजाब च सबभनें त्रवें संयुक्त चेक पोस्टें पर रिट्रीट समारोह अज्जै थमां शुरू होआ करदा ऐ।
- Geneva च 78मीं विश्व सेहत महासभा च विश्व सेहत संगठन नै भारत गी जन सेहत समस्या दे तौर पर Trachoma दे उन्मूलन दे प्रमाण पत्र कन्नै नवाजेआ।

<><><><><><>

PM-WHO Early

प्रधानमंत्री नरेंद्र मोदी होरें अजज आखेआ जे समावेश भारत दे सेहत सरबंधी सुधारें दा महत्वपूर्ण अंग ऐ ते एहदे तैहत सरकार नै पूरे देश च ज्हारें सेहत केंद्रें दा नेटवर्क स्थापित कीता ऐ। मोदी होरें आखेआ जे पूरी दुनिया च सबभनें शा बड्डी हेल्थ इंश्योरेंस स्कीम आयुष्मान भारत जेदे तैहत 58 करोड़ लोक लाह लै करदे न, मुफ्त इलाज सुविधा देने आस्तै भारत च चलाई जा'रदी ऐ। प्रधानमंत्री होरें एह गल्ल वर्ल्ड हेल्थ असेंबली विश्व सेहत सभा दे 78में सत्र गी संबोधित करदे होई आकखी। विश्व सेहत सभा स्विटजरलैंड दे जनेवा च चला'रदी ऐ जेड़ी 27 मई तोड़ी चलोग। मोदी होरें आखेआ जे सेहतमंद दुनिया दा भक्खि समावेश, इकजुट दृष्टि ते सहयोग पर निर्भर करदा ऐ। प्रधानमंत्री होरें आखेआ जे वैश्विक दक्खन सेहत सरबंधी चुनौतिएं कन्नै प्रभावित हे ते भारत टिकाउ विकास पर आधारित ढांचा इंदे कन्नै सांझ करोग।

<><><><><><>

Misri-Briefing

विदेश सचिव विक्रम मिसरी होरें ऑप्रेशन सिंदूर तैहत आतंकवाद खिलाफ भारत दी रणनीति कन्नै दुनिया गी अवगत करोआने आस्तै कई सारे मुलखें च भेजे जा'रदे सांसदें दे सर्वदलीय प्रतिनिधिमंडलें गी अज्ज नमीं दिल्ली च लोड़चदी जानकारी दिती। सरकार पाकिस्तान प्रायोजित आतंकवाद खिलाफ भारत दा रूख साफ करने आस्तै बक्ख-बक्ख मुलखें च 7 सर्वदलीय प्रतिनिधिमंडल भेजा रदी ऐ। 59 सदस्यीय एह प्रतिनिधिमंडल कल्लै थवां 5 जून तगर कुल 32 मुलखें दा दौरा करोग। अपने 10 दिन दे दौरे दौरान भारती प्रतिनिधिमंडल आतंकवाद दे हर इक रूप कननै निब्बड़ने आसतै मुलख दी राश्ट्रीय

नीति ते नजरिए कन्नै दुनिया गी अवगत करोआग ते आतंकवाद गी दना बी नेई बर्दाश्त करने आहले भारत दे स्नेह गी अंतरराष्ट्री समुदाय तगर पजागा।

<><><><><><>

PM-Rajasthan

प्रधानमंत्री नरेंद्र मोदी होर 26 जहार करोड़ रपे थमां मती कीमत आहली बक्ख-बक्ख विकास परियोजनां राजस्थान दे बीकानेर च राष्ट्र दे निमित्त लांगन। एह परियोजनां रेलवे, शिडक संपर्क, उर्जा, पानी, नमी ते परतिए इस्तेमाल होने आहली उर्जा दे खेत्तरें गी मजबूत बनाने च अहम भूमिका निभाडन। प्रधानमंत्री नरेंद्र मोदी होर वीरवारें राजस्थान दे बीकानेर दी देशनोक थाहर थमां 103 अमृत भारत स्टेशनें दा उद्घाटन करडन। एह स्टेशन नमीं सुविधाएं स्हाबै विकसित कीते गए न। अमृत स्टेशन स्मीम हेठ इन्दे च सिटी सेंटर तैयार कीते गेदे न जिंदे च खेत्तरीय संस्कृति ते विरासत दी झलक दिक्खने गी लब्बदी ऐ।

<><><><><><>

Sitharaman-Market

केंद्री खजाना मंत्री निर्मला सीतारमण होरें अजज आखेआ जे बजा नियंत्रण ते आजादी च सेही तालमेल दी जरूरत ऐ खास करिए जिसलै भू-राजनैतिक ते पर्यावरण चुनौतिएं बश्कार भारत दी निर्भरता घरेलू उत्पादन पर बदा'रदी ऐ। .. दे 16में वार्षिक दिवस गी संबोधित करदे होई खजाना मंत्री होरें आखेआ जे पिछले किश बरें च दुनिया नै बड़ी उथल पुथल दिक्खी ऐ जेदे कन्नै मजबूत प्रतिक्रिया देने ते विकास गी यकीनी बनाने आले संस्थानें दी जरूरत मसूस होआ'रदी ऐ।

<><><><><><>

EAM-Neitherland

विदेश मंत्री डॉ. एस जयशंकर होरें नीदरलैंड दे प्रधानमंत्री Dick Schoof हुंदे कन्नै Hauge च मुलाकात कीती। इक सोशल मीडिया पोस्ट च डॉ. जयशंकर होरें सांझा कीता जे मलाटी दौरान उनें नीदरलैंड दे प्रधानमंत्री होरें गी भारत दे प्रधानमंत्री हुंदी बक्खी शुभमानां दित्तियां ते आतंकवाद खलाफ भारत कन्नै खडोने आस्तै धन्नवाद बी कीता। मंत्री होरें भरोसा दोआया जे दवें देश रलिए मेहनत करंगन ते निर्धारित धेइयै गी पूरा करंगन। पिछले महीने नीदरलैंड दे प्रधानमंत्री Dick Schoof होरें 22 अप्रैल दे पहलगाम आतंकी हमले दी कड़ी निंदेआ कीती ही। भारती विदेश मंत्री नीदरलैंड, डेनमार्क ते जर्मनी दे 6 रोजा दौरे पर न।

<><><><><><>

Manohar-BRICS

केंद्री उर्जा मंत्री मनोहर लाल होरें उर्जा सुरक्षा गी अज्जै दे समें दी इक बड़ी चुनौती दस्सेआ। ब्रिक्स उर्जा मंत्रिणं दी ब्राजील च बैठक दी अध्यक्षता करदे होई मंत्री होरें भारत तरफा साफ-सुथरी उर्जा दे खेत्तर च हासल उपलब्धिणं पर लो पाई। मनोहर लाल होरें उर्जा उत्पादन, परतिए इस्तेमाल होने

आहली उर्जा, ग्रीन हाईड्रोजन ते उर्जा तोड़ी पुज्ज जनेय खेत्तरे च भारत दे 1 दहाके दे सफल विकास दी जात्तरा गी उजागर कीता।

<><><><><><>

Narlikar

मशहूर astrophysicist यानि खगोल भौतिकीविद् डॉ. जयंत नारलीकर हुंदा अज्ज सवेरे काल होई गेआ। ओहू 86एं बरे दे हे। महाराष्ट्र दे मुख्मन्त्री देवेन्द्र फडनवीस होरे दिवंगत होरे गी श्रद्धांजलि भेंट करदे होई आखेआ जे भारती खगोल विज्ञान नै इक अनमुलले साईसदान गी गवाई दित्ता ऐ। राष्ट्रपति द्रौपदी मुर्मू होरे डॉ. जयंत नारलिका हुंदे काल पर गहरा दुख प्रगट कीता ऐ। इक सोशल मीडिया पोस्ट च राष्ट्रपति मुर्मू होरे आखेआ जे डॉ. नारलिका होर अंतरराष्ट्री दर्जे दे साईसदान हे जिने अपने योगदान कन्नै ऐसा मुकाम हासल कीता जेडा आने आहली नस्ले गी प्रोत्साहित करदा रौह्ग।

<><><><><><>

Shivraj ICAR

केंद्री राई-बाई ते करसान कल्याण मंत्री शिवराज सिंह चौहान होरे वाइस चांसलर, प्रोफेसरे ते छात्रे गी अनुरोध कीता ऐ जे ओहू राष्ट्रव्यापी मुहिम विकसित कृषि संकल्प अभियान कन्नै जुडन जेडा गै इस म्हीने दी 29 तरीक गी शुरू होआ'रदा ऐ। कृषि विश्वविद्यालये दे वाइस चांसलर ते भारती कृषि अनुसंधान परिषद संस्थाने दे निदेशके दे सम्मेलन गी संबोधित करदे होई चौहान होरे जोडेआ जे सरकार दी पहली प्राथमिकता विज्ञान पर आधारित राई-बाई बदलाव गी बढावा देना ऐ। आई.सी.ए.आर गी राई-बाई दा मंदर आखे होई चौहान होरे जोडेआ जे अनुसंधान किस बक्खी बदोग एहदा फैसला करसाने ते उंदी जरूरते स्हाबै कीता जाग।

<><><><><><>

Navy Stitched Ship

भारती नौसेना रिवायती तौर कन्नै बनाए गेदे समुंद्री जहाज गी कर्नाटक च नौसेना बेस च शामिल करोग। केंद्री संस्कृति मंत्री गजेन्द्र सिंह शेखावत होर कार्यक्रम च मुख् परौहने दे तौर पर शिरकत करडन। एह समुंद्री जहाज मनोरंजन दा साधन ऐ जेडा गे अजन्ता गुफाएं दी पेंटिंग्स थमां प्रेरित ऐ। इस समुंद्री जहाज गी बनाने च पूरी चाल्ली रिवायती तरीके ते समेयान इस्तेमाल कीता गेआ ऐ केरल दे कलाकारे मास्टर जहाज निर्माता बावू संकरन हुंदे नेतृत्व च एह समुंद्री जहाज तैयार कीता ऐ।

<><><><><><>

Char-Dham Yatra

उत्तराखंड च चला'रदी चार धाम जात्तरा च श्रद्धालुएं दी खासी तादाद दिक्खने गी लब्बा'रदी ऐ। 30 अप्रैल थमां शुरू होई दी इस जात्तरा च 100 लक्ख थमां मते श्रद्धालुएं बद्दीनाथ, केदारनाथ, गंगोत्री ते यमनोत्री तीर्थ स्थले दे दर्शन सिर्फ 20 दिने च कीते ना।

<><><><><><>

BSF-Retreat

सीमा सुरक्षा बल नै घोषणा कीती ऐ जे अटारी, हुसैनीवाला ते सादकी पोस्टें पर रिट्रीट समारोह अज्जै थमां शुरू होआ करदा ऐ। पंजाब च अंतरराष्ट्रीय बन्ने पर स्थित अटारी, हुसैनीवाला ते सादकी पोस्टें पर रिट्रीट समारोह गी 8 मई गी आम लोकें लेई बंद करी दित्ता गेआ हा। पाकिस्तान ते पाकिस्तान दे गैर कनूनी कब्जे आहले जम्मू-कश्मीर च आतंकवादी ढांचे गी तबाह करने आस्तै भारत आसेआ चलाए गेदे ऑप्रेसन सिंदूर दे इक दिन मगरा रिट्रीट समारोह गी रद्द करने दा फैसला लैता गेआ हा। बी.एस.एफ नै दस्सेआ ऐ जे दौनें मुखें बश्कार लग्गे दे गेट भारती भेठा बंद रौहडना। सामान्य परम्परा कोला परे सूरज ढलने दे मौके झंडा झुकाने बाद भारतीय गार्ड कमांडर ते उंदे समकक्ष पाकिस्तानी रेजर्स दे बश्कार हत्थ मलाने दी रस्म नेई होग। बन्ने दे आर-पार दे खेत्तरें च करसानें गी निगरानी च राईबाई दी अनुमति दित्ती जाह्ग।

<><><><><><>

India-Trachoma

जिनेवा च 78मीं विश्व सेहत महासभा च विश्व सेहत संगठन नै भारत गी जन सेहत समस्या दे तौर पर ट्रेकोमा दे उन्मूलन दे प्रमाण पत्र कन्नै नवाजेआ ऐ। एहू सम्मान रोग उन्मूलन, निवारक सेहत सेवा ते सब्भनें आस्तै सेहत यकीनी करने दी बचनबद्धता प्रति भारत दे लगातार जत्तें दा इक प्रमाण ऐ। विश्व सेहत संगठन नै पिछले बरे 8 अक्तूबर गी घोषणा कीती जे भारत सरकार नै जन सेहत समस्या दे तौर पर ट्रेकोमा दा उन्मूलन करी दित्ता ऐ। भारत दक्खन पूर्व एशिया खेत्तर च इस जन स्वास्थ्य उपलब्धि गी हासिल करने आहला त्रिया मुख बनी गेआ ऐ। सरकारै ट्रेकोमा उन्मूलन आस्तै सरबन्धी राष्ट्रीय नियंत्रण कार्यक्रम तैहत कई गैऽ पुट्टियां ना।

<><><><><><>

IPL-Cricket

आई.पी.एल क्रिकेट च अज्ज संझा अरूण जेटली स्टेडियम च चेन्नई सुपर किंग्स दा मुकाबला राजस्थान रायल्स कन्नै होग। हालांकि दवैं टीम प्लेऑफ दी द्रौड़ थवां पैहले गै बाहर होई चुकी दियां ना। कल रातीं लखनऊ सुपर जायंट्स दी टीम बी सनराइजर्स हैदराबाद थवां 6 विकटें कन्नै हारने मगरा प्लेऑफ दी द्रौड़ थवां बाहर ऐ। एहूदे कन्नै गै फाइनल प्लेऑफ दे मुकाबले आस्तै मुम्बई इंडियन्स ते दिल्ली कैपिटल्स मैदान च रेई गए ना। गुजरात टाइटन्स रायल चैलेंजर्स बेंगलुरु ते पंजाब किंग्स प्लेऑफ मुकाबले आस्तै पैहले गै अपनी थाहर यकीनी करी चुके देना।

<><><><><><>

Khelo India Beach

खेलो इंडिया बीच गेम्स 2025 दी अज्ज थमां दीव च शुरूआत होग। एहू प्रतियोगिता 24 मई तगर चलोग। प्रतियोगिता च देश भरै दे 22 राज्यें ते केंद्र शासित प्रदेशें दे 1 ज्हार थमां बहू खडारी 6 तगमें आस्तै हिस्सा लैंगन। प्रतियोगिता च मलखंब ते टग ऑफ वार दो प्रदर्शन स्पर्धा ना। प्रतियोगिता च

<><><><><><>

LG-Unified Meet

उपराज्यपाल मनोज सिन्हा होरें अज्ज श्रीनगर दे राजभवन च इक उच्चि सतह दी एकीकृत मुख्यालय यानि यूनिफाइड कमांड दी बैठक दी प्रधानता कीती। बैठक दे दौरान केंद्र शासित प्रदेश च समूलची सुरक्षा स्थिति, आतंकवाद रोधी अभियानें ते सुरक्षा एजेंसिएं बशकार समन्वित रणनीतियों दी इक व्यापक समीक्षा कीती गई। बैठक च मुख्ख सचिव, सेना, पुलिस ते कई होर एजेंसिएं दे अधिकारी बी शामिल होए। उपराज्यपाल होरें शांति ते स्थिरता यकीनी बनाने आस्तै उच्च सतह दी सतर्कता ते अंतर एजेंसी सहयोग ते तालमेल बनाई रखने पर जोर दिता।

<><><><><><>

CM-Ganderbal

मुख्खमंत्री उमर अब्दुल्ला होरें अज्ज गांदरबल च बकुरा पानी सप्लाई योजना दा उद्घाटन कीता। जल शक्ति मैहकमे आसेआ बनाई गेदी इस योजना कन्नै साफ ते सुरक्षित पीने आहला पानी दस्तयाब कराइयै 4 ज्हार कोला मते बसनीकें गी फायदा होगा। मुख्खमंत्री होरें जम्मू-कश्मीर च हर इक्क घरै आस्तै पानी दी पुज्ज यकीनी बनाने दी सरकार दी बचनबद्धता गी पक्का कीता। उनें पंडाच इलाके च इक वृद्धाश्रम दा बी उद्घाटन कीता। उनें सरकारी इंजीनियरिंग ते प्रौद्योगिकी कॉलेज सफापोरा च साइंस ब्लॉक ते गांदरबल च वेटनरी अस्पताल दे नीहू पत्थर बी रक्खे। मगरा मुख्खमंत्री होरें औने आहले खीर भवानी मेले दियें तैयारियें दा जायजा लैने आस्तै गांदरबल च पवित्र खीर भवानी मंदर दा दौरा कीता। उनें आखेआ जे श्रद्धालुएं आस्तै इक्क सुचारू, सुरक्षित ते सुआगत जोग वातारण निश्चित करना सरकार दी प्राथमिकता ऐ।

<><><><><><>

PM-MKB

प्रधानमंत्री नरेन्द्र मोदी होर औंदे एतवारें यानि 25 मई गी आकाशवाणी पर प्रसारित होने आहले अपने महावार रेडियो कार्यक्रम मन की बात राए देश विदेश च रोहने आहले लोकें कन्ने अपने विचार सांझे करडन। एह इस प्रोग्राम दी 122मीं कड़ी होग। लोक अपने विचार ते सुझा टोल फ्री नम्बर 800-11-7800 पर भेजी सकदे ना। एदे अलावा लोक अपने सुझा ते विचार नरेन्द्र मोदी एप ते माई गोव ओपन फोरम पर बी भेजी सकदे ना। इन्दे चा चुने गेदे किश सुझाएं गी प्रधानमंत्री होर अपने कार्यक्रम च शामिल करडन। मन की बात लेई विचार ते सुझा भेजेने दी अखीरी तरीक 23 मेई ऐ।

<><><><><><>